



Broj: JN1 11-03-26-103-56/25
Sarajevo, 03.11.2025. godine

Na osnovu člana 69. stav (2) tačka d, člana 70. Stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14,59/22 i 50/24), na osnovu preporuke Komisije za javne nabavke date u zapisniku broj: JN1 11-03-26-103-55/25 od 03.11.2025. godine, a u postupku nabavke vojnog materijala – alpinistička i oprema za snijeg (JNRJ: 18000000-9) *donosi*,

ODLUKU
o izboru najpovoljnijeg ponuđača

I

Prihvata se preporuka Komisije za javne nabavke o izboru najpovoljnijeg ponuđača za javnu nabavku vojnog materijala – alpinistička i oprema za snijeg (JNRJ: 18000000-9) i dodjeljuje se ugovor ponuđaču VIP Design d.o.o. Sarajevo, za ponudenu cijenu od 42.510,11 KM (bez PDV) kao jedinoj prihvatljivoj ponudi koja u potpunosti zadovoljava uvjete ugovornog organa u postupku provedenom putem konkurentskog zahtjeva za dostavu ponuda broj: JN1 11-03-26-103-31/25 i *Izmjene Konkursenskog zahtjeva za dostavljanje ponuda korištenjem E-aukcije za nabavku vojnog materijala – alpinistička i oprema za snijeg broj: JN1 11-03-26-103-31/25*, broj: JN1 11-03-26-103-48/25 od 01.10.2025. godine

II

U slučaju da na odluku o dodjeli ugovora nema žalbe ugovor će se zaključiti u roku od 10 dana, računajući od dana obavještanja učesnika postupka o izboru najpovoljnijeg ponuđača.

III

Za izvršenje ove odluke zadužuje se Sektor za nabavku i logistiku/Odsjek za ugovaranje nabavke i prodaje.

IV

Ova odluka obaviti će se na web stranici Ministarstva odbrane Bosne i Hercegovine.

V

Ova odluka stupa na snagu danom donošenja i ista će se dostaviti svim ponuđačima u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj JN1 11-03-26-103-3/25 od 24.04.2025.godine.

Javna nabavka je sprovedena putem konkurentskog zahtjeva za dostavu ponuda broj: JN1 11-03-26-103-31/25, koji je zatim Izmjenjen aktom JN1 11-03-26-103-48/25 od 01.10.2025.

Procjenjena vrijednost javne nabavke je 42.735,04 KM bez PDV-a.

Obavještenje o javnoj nabavci broj: 723-7-1-303-3-329/25 objavljeno je na portal javnih nabavki dana 14.05.2025. godine.

Komisija za javnu nabavku imenovana je Odlukom broj: JN1 11-03-26-103-33/25 od 04.08.2025. godine.

Komisija za javnu nabavku dostavila je dana 03.11.2025. godine zapisnik o javnom otvaranju ponuda broj JN1 11-03-26-103-54/25 od 28.10.2025. godine, te nakon izvršene ocjene i vrednovanja ponuda dostavila Zapisnik o ocjeni ponuda broj: JN1 11-03-26-103-55/25 od 03.11.2025. godine.

U postupku javne nabavke JN1 11-03-26-103/25 utvrđeno je, da je Komisija za javnu nabavku blagovremeno i pravilno izvršila otvaranje ponuda i ocjenu ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 3,
- da je od toga blagovremeno zaprimljeno tri (3) ponude,
- da je od toga nije bilo neblagovremeno zaprimljeno ponuda,
- da je ponuda ponuđača 2. VIP Design d.o.o. Sarajevo prihvatljiva za ugovorni organ,
- da su ponude ponuđača 1. Fire Trade d.o.o. Srebrenik i 3. ABC Sporting d.o.o. Banja Luka nisu prihvatljive iz sljedećih razloga:

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da dvije ponude ne ispunjavaju tehničke uslove ugovornog organa i to:

Ponuda ponuđača: Fire Trade d.o.o. Srebrenik ne ispunjava tehničke uslove u skladu sa „Izmjenom Konkurentskog zahtjeva za dostavljanje ponuda korištenjem e-aukcije za nabavku vojnog materijala – alpinistička i oprema za snijeg broj: JN 11-03-26-103-31/31“, Broj: JN1 11-03-26-103-48/25 od 01.10.2025. godine, specifično izmjenom u Tački 2. „Uslovi za učešće i potrebni dokazi“ Konkurentskog zahtjeva broj: JN1 11-03-26-103-31/25.

Navedena izmjena se, između ostalog, odnosi na podtačku 2.1., paragraf 3) – „Ponuđač mora posjedovati originalni katalog od proizvođača ili ovlaštenog distributera ili kopiju kataloga ovjerenu od strane ponuđača (svaka stranica) ili izvod iz kataloga ovjeren od strane ponuđača (svaka stranica) kojim će dokazati da ponuđena roba odgovara specifikiranoj robi iz Aneksa 3“

Komisija je pregledom utvrdila da ponuđač Fire Trade d.o.o. Srebrenik nije ispunio navedeni tehnički uslov. Pregledom dokumentacije, na stranicama 35 do 53 se nalaze katalogi od ponuđača, ali se nije mogla pronaći i dokumentacija od ovlaštenih distributera kojim se dokazuje da će ponuđena roba odgovarati specificiranoj robi.

Pored navedenog, Komisija je utvrdila da nije ispunjen uvjet iz paragrafa 2) – „Ponuđač mora posjedovati odgovarajuće ateste/certifikate za dokazivanje sigurnosti kvaliteta opremene iz Aneksa 3 odnosno Aneksa 10 ili neke druge ekvivalentne mjere kontrole kvaliteta koji nedvosmisleno potvrđuju ekvivalentnu sigurnost i kvalitet“ – Ponuđač je na stranici 34 svoje tenderske dokumentacije ponudio svoju izjavu o usklađenosti ponuđene robe sa zahtjevima iz tenderske dokumentacije, ali nije pružio odgovarajuće ateste i certifikate koji bi nedvosmisleno dokazali sigurnost kvaliteta tražene opreme niti je imao ateste i certifikate od proizvođača ponuđene opreme.

Ponuda ponuđača: ABC Sporting d.o.o. Banja Luka ne ispunjava tehničke uslove u skladu sa „Izmjenom Konkurentskog zahtjeva za dostavljanje ponuda korištenjem e-aukcije za nabavku vojnog materijala – alpinistička i oprema za snijeg broj: JN 11-03-26-103-31/31“, Broj: JN1 11-03-26-103-48/25 od 01.10.2025. godine, specifično izmjenom u Tački 2. „Uslovi za učešće i potrebni dokazi“ Konkurentskog zahtjeva broj: JN1 11-03-26-103-31/25.

Navedena izmjena se, između ostalog, odnosi na podtačku 2.1., paragraf 3) – „*Ponuđač mora posjedovati originalni katalog od proizvođača ili ovlaštenog distributera ili kopiju kataloga ovjerenu od strane ponuđača (svaka stranica) ili izvod iz kataloga ovjeren od strane ponuđača (svaka stranica) kojim će dokazati da ponuđena roba odgovara specificiranoj robi iz Aneksa 3*“

Komisija je pregledom utvrdila da ponuđač ABC Sporting d.o.o. Banja Luka nije ispunio navedeni tehnički uslov. Pregledom dokumentacije, na stranicama 24 do 53 se nalaze katalozi od ponuđača, ali se nije mogla pronaći i dokumentacija od ovlaštenih distributera kojim se dokazuje da će ponuđena roba odgovarati specificiranoj robi.

Komisija je utvrdila da nije ispunjen uvijet iz paragrafa 2) – „*Ponuđač mora posjedovati odgovarajuće ateste/certifikate za dokazivanje sigurnosti kvaliteta opremene iz Aneksa 3 odnosno Aneksa 10 ili neke druge ekvivalentne mjere kontrole kvaliteta koji nedvosmisleno potvrđuju ekvivalentnu sigurnost i kvalitet*“ – Ponuđač je na stranici 54 svoje tenderske dokumentacije ponudio svoju izjavu o usklađenosti ponuđene robe sa zahtjevima iz tenderske dokumentacije, ali nije pružio odgovarajuće ateste i certifikate koji bi nedvosmisleno dokazali sigurnost kvaliteta tražene opreme niti je imao ateste i certifikate od proizvođača ponuđene opreme.

Shodno navedenom i cijeneći da je riječ o uslovima koji predstavljaju bitni aspekt ponude, Komisija zauzima stav da navedene ponude ne mogu biti predmet daljeg vrednovanja.

U postupku donošenja ove odluke, posebno su cjenjene činjenice da je Komisija, pravilno i potpuno izvršila ocjenu kvalifikovanosti ponuđača u skladu sa kriterijima iz konkurentskog zahtjeva za dostavu ponuda.

U postupku ocjene provedenog postupka, Rukovodioc ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija pravilno postupala, te da je izbor najpovoljnijeg ponuđača izvršen na osnovu Zakona o javnim nabavkama i podzakonskim aktima i konkurentskim zahtjevom.

Pouka o pravnom lijeku: *Protiv ove odluke može se izjaviti žalba Uredu za razmatranje žalbi u roku od 5 dana od dana prijema odluke. Žalba se podnosi putem Ministarstva odbrane Bosne i Hercegovine.*

MINISTAR

Dostaviti:

- *Svim ponuđačima uz obavještenje ponuđača o rezultatima postupka*
- *Ured za odnose sa javnošću MO BiH (objava na Web stranici)*
- *a/a*

Zukan Helez